



66, rue Baudouin
L-1218 Luxembourg
Tél.: 40 77 20-1
Fax: 40 77 20-40
fgfc@fgfc.lu
www.fgfc.lu

Pressemitteilung

FGFC-SYPROLUX - « Gratis öffentliche Transport »

Fir d'éischt gëtt de Kuch gebak. Dann eréischt kennt d'Kiischt drop!

Vertrieder vun FGFC a SYPROLUX hu sech erstaunt doriwwer gewisen, matt wat fir enger Vehemenz, d'Bettel2 Regierung op d'Aféierung vum gratis öffentliche Transport hei zu Lëtzebuerg drängt. Den Transportminister François Bausch kënnegt vollmundeg un, dass dëst déi sozial Kiischt um Kuch vum öffentliche Transport wier.

Mir hunn eis a Bäcker-Kreeser ëmfrot: Et ass tatsächlech esou, dass fir d'éischt de Kuch gebak gëtt. Dann eréischt kennt d'Kiischt op de Kuch. An der Politik ass dat scheinbar anescht.

Fir FGFC a SYPROLUX stellen sech am Moment eng ganz Rei vu Froen, déi et aktuell gëllt emol zesammenzefaassen. Heifir ass en Aarbechtsgrupp définéiert ginn.

Profitéiert gouf vun der Geleeënheet sech iwwert déi respektiv Defizit bei der Bunn an am Gemengesektor auszetauschen. Nieft der Sënnhaftegkeet vun der Approche vun der Regierung bzw. d'Konsequenze fir den öffentliche Transport am groussen Ganzen, stellen sech eis Leit um Terrain vill Froen, wat dann elo mat hinne geschitt.

Kuerz: d'Onrou an de Betriber ass grouss a mir brauche séier Äntwerten, well dat Ganzt jo och scheinbar séier muss goen. Et geet hei virun allem dorëms, nei Berufsbiller am öffentlichen Transportsektor ze entwéckelen.

Eens wor een sech awer och, dass een an dësem Dossier nëmmen zesammen nofir kënn. Dofir elo schonns en Appell fir de gewerkschaftlechen Zesammenhalt an dësem Dossier. Weider Initiativë wäerten no de Sozialwahlen stattfannen.

*Matgedeelt vun FGFC & Syprolux
Mëttwoch, den 30. Januar 2019*